

BODO (CODE: 192)

CLASS-XII

Session 2025-26

Marking Scheme

Time: 3:00 Hours

Marks: 80

		Part-A (Objective Type MCQ Paper)	गासै नम्बर- 80
सौथि नं.	1.		5x1=5
	(i)	फिन: (C) दाजाबदा	1
	(ii)	फिन: (A) सिगाडाव	1
	(iii)	फिन: (B) -जों	1
	(iv)	फिन: (D) आवगायाव मिथियि एबा नुफेरि	1
	(v)	फिन: (C) संसारनि सुखु दुखु मोनथि	1
सौथि नं.	2.		10x1=10
	(i)	फिन: (C) छरखौ जं नाइन बान	1
	(ii)	फिन: (A) थिखा मावनायजों	1
	(iii)	फिन: (B) बिमानि हायना महरखौ	1
	(iv)	फिन: (D) बेयो दोसे फेस्ता खन्थाइ।	1
	(v)	फिन: (B) गंनीया दैमा सेरनि शुमबिलि बारियाव गसंनानै	1
	(vi)	फिन: (A) आंखालजों गोथौवै नाखेबजानाय दाबसे ओनसोल	1
	(vii)	फिन: (C) हारि फोजाखांनाय खन्थाइ	1
	(viii)	फिन: (C) गोसो थोलायनानै जिउ बावसोमनाय सेंग्रि सिखला	1
	(ix)	फिन: (B) सानजों समान	1
	(x)	फिन: (B) सुबुंफोरजों सामलायजानाय सरखार	1

सॉथि नं.	3.		10x1=10
	(i)	फिन: (B) 1895 मायथाइयाव	1
	(ii)	फिन: (A) रावना-रावनिनि सल'बाथा	1
	(iii)	फिन: (A) खुगा सल'	1
	(iv)	फिन: (B) भाइरासनिफ्राय	1
	(v)	फिन: (D) मालायनि दायाव साजा मोनग्रा	1
	(vi)	फिन: (A) मपासा	1
	(vii)	फिन: (C) अखाफोर	1
	(viii)	फिन: (B) जिबौनि बिदैया गला जायो	1
	(ix)	फिन: (D) खुंसा	1
	(x)	फिन: (A) खेराइसालियाव	1
		Part-B (Descriptive Type Pen and Paper Test)	
सॉथि नं.	4.		5x2=10
	(i)	फिन: रेभारेण्ड सिदनि एण्डेला इंलेण्डनि तटेनेज मुंनि जायगायाव 1940 मायथाइयाव जोनोम जादोमोन आरो 1864 मायथाइयाव आसामनि तेजपुराव थानाय बर' खृष्टानफोरनि धोरोमगुरु हेजेलमियारनि लेडाइ जानानै फैदोमोन।	2
	(ii)	फिन: आलारि दामब्रायानो आसागि-बैसागि बिब'-बिनानाव सानैखौबो हाबा खालामदोमोन। बिसोरहा गथ'-गथाइ दंमोन। आसागिनि फिसाज्जलानि मुडा हौ हौ आरो बैसागिनि फिसाज्जलाफोरा फारियै- रांरासि, बारिगंथाम, मैथाहाजि, बारथेफाइ, गलाफारसै आरो दुइसिनथारा फिसाजो मुडा बार थिरसाइ।	2

	(iii)	फिनः बर'फोरनि खेराइया मोनबा। बेफोर जादों- संसारनि खेराइ, उमराव एबा आमथि खेराइ, दर्शन खेराइ एबा माइनाव खेराइ, फालो खेराइ एबा बाथौ खेराइ आरो ननि खेराइ।	2
	(iv)	फिनः 'गोथां गाब गाथोंसै खन्थाइयाव' खन्थाइगिरिया गोथां गाबजों थांनानै थानायखौनो फोरमायनो नाजादों। आथिखाल मुगानि मुखुब सुबुंफोरनि गोरबोफोरा जाहाथे गावजों लोगोसेनो गुबुनफोरखौबो थांनानै थानो थुलुंगाखांहोयो बेखायनो गोथां गाब गाथोंसै होनना बुंदों।	2
	(v)	फिनः 'मोदै' खन्थाइयाव खन्थाइगिरिया बुंदों दि सुबुंनि साननाय-हास्थायनायफोरा जाफुडाब्लानो मोदैया गयो। बेनि अनगायैबो सुबुडा गावखौ अराइ फोथांनानै लाखिनो मोदै हुगारनांगौ जायो होननानै बुंदों।	2
सौंथि नं.	5.		7x5=35
	(i)	फिनः 'मोनाबिलि' खन्थाइया समर ब्रह्म चौधुरीनि दोंसे मख'जाथाव रमान्टिक खन्थाइ। खन्थाइयाव मोनाबिलि समनि समायना मिथिंगायारि सावगारिखौ नुनो मोननाय जादों। खन्थाइगिरिया मोनाबिलि समाव गावनि गामि सेरजों बोहैलांनाय गंनीया दैमानि सेरनि सुमब्लि बारियाव गसंनानै नोजोर होदों। मोनाबिलिनि अरबाडाव रिथि-रिथा हाथर्खि जौनाय, दाउ थिया, दाउथेबफोरा मेथाइ खनै खनै न फारसे बिरलांनाय, बार सिउ सिउ बारनायजों खन्थाइगिरिनि गोसोआ बोदोर जायो। नाथाय बे बादि गोजोन बुब्लियावबो बिथाडा बर' माहारिनि गोम्लैसोनाय थासारिखौ गोसोखांनानै दुखु मोनदों। बेनो खन्थाइयाव औरै बेरखांदों- नाथाय बर'नि बादि गोम्लैसोनाय माहारियाव सानबोलाउरिया खंगा, बिरखांनो हाया। बियो मोनाबिलिनि समायना महराव बोदोर जादों। मोनाबिलि समाव सोरबा लाउखरा दुबुलि बारियाव माइनारा दामनाय, माइमुथि बुथुमै बुथुमै मेथाइ खननाय बायदि बर' समाजनि मोनाबिलि समनि सावगारिया खन्थाइयाव औरै बेरखांदों- पुषनि रोमोदो दुब्लियाव सोरबा लाउखारनि माइनारा दामनाय रिंखाडो;	5

		माइमुथि बुथुमै बुथुमै हगारसारनाय सोरबा दाहोनानि बालाबगासे गंनीया दैमानि हरै बारै गोमसारहैयो, आंनिबो गोसोआव रिसारफैयो। बेनि अनगायैबो सान सिखोलाया रेसम खानाइजों गावनि सोमायना महरखौ आन्दो खालामना लानायखौबो खन्थाइनि गेजेरजों ओरै फोरमायदों- अन्जिमा गैयि हाबिला लानानै नों अनसुमै सानखौ बरायबोदों; रेसम खानाइजों आन्दो खालामनानै गावनि बिखायावल' बजबना लादों। बे बादिनो 'मोनाबिलि' खन्थाइयाव मोनाबिलि समनि समायना सावगारिफोरा जायगा मोनदों। खन्थाइयाव खन्थाइगिरिया मोनाबिलिखौ Personify खालामदोंब्लाबो इसान मोसाहारिनि 'मोनाबिलि' खन्थाइनि बादि आबुं Personificationखौ नुनो मोननाय जायाखै।	
	(ii)	फिनः बर' थुनलाइ मुलुगाव प्रम'द चन्द्र ब्रह्मवा सासे गोजों अलंबार। अलंबार, हाथखि-हाला, सानसि-मुसि बायदि मुंदांखा लाइसिफोरनि सुजुगिरि ब्रह्मवा सासे मुंदांखा रायथाइगिरि, खन्थाइगिरिबो। बिथाडा सोरजिनाय खन्थाइफोरनि सोमोन्दै सावरायनो नाजानाय जाबाय। बिथांनि खन्थिफोराव रमान्टिक, मिष्टिक, हारिफोजाखानाय बायदि सानसिफोरानो जायगा मोनो। बिथांनि मख'जाथाव खन्थाइफोरा जादों- हायेननि सुफिन, दै-बाजुम, दाहा, दानसोरां हराव, खामाइनि बिसार, बायदि बरन, कबि नों, अरन, उनदाहा, आरज हाला, सोर हमनायनि, आनान गसाइ, बिदा-फंबाय, जिउनि बेलासेयाव, मुं बे मुं गोनां, थैनाय, गामि गोदान, रथ'लै रथ', संसारनि अननाय, हांसो बिलाथि, बिमा-फिसा, हालुवा, सिब्राइ सामथांसि, मोसा अरनाय नुनानै बायदि बायदि। बिथांनि बांसिन खन्थाइफोरानो गोथौ सानसिजों आबुं गोरलै रावजों लिरनाय। बांसिन खन्थाइफोरानो खबाम गोरोबनाय।	5
	(iii)	फिनः थारजा एबा सोदोबनि उनाव गुबुन गुबुन सोदोबथि दिन्थिनो जाय सिनफोरखौ फज'नाय जायो बेखौनो दाजाबदा बुंनाय जायो। कमल कुमार ब्रह्मवा गोनां रावखान्थि बिजाबाव बर' रावनि दाजाबदाया गासै मोनब्रै बाहागोआव रानदों। गाहायाव बेफोरनि सोमोन्दै सावरायनो नाजानाय जाबाय। क) थारजा दाजाबदा: थारजानि उनाव जाय दाजाबदाफोरखौ फज'नानै	5

		गोदान सोदोब दानाय जायो बेफोर दाजाबदाफोरखौनो थारजा दाजाबदा बुंनाय जायो। जेरै- बो-ख'>बोख', दान-खाव>दानखाव, गा-खुब>गाखुब ख) सोदोब दाजाबदा: सोदोबनि उनाव जाय दाजाबदाफोर फज'नानै सोदोबनि सोदोबथिखौ सोलायहोयो बेखौनो सोदब दाजाबदा बुंनाय जायो। जेरै- दाउ-सा>दाउसा, गोजौ-सिन>गोजौसिन, माव-थि>मावथि ग) जो आथोन दाजाबदा: जाय दाजाबदानि हेफाजाबै जोला दिन्थिगा सोदोबखौ जो आथोन खालामनाय जायो बेखौनो जो आथोन दाजाबदा बुंनाय जायो। बैगा-इ>बैगि, लेंगा-इ>लेंगि, नाब्ला-ए>नाब्ले घ) बेखेवफा: बाथा दानाय समाव सोदोब एबा थारजानि उनाव जाय बेखेवफाफोरखौ दाजाबनानै सोदोबमा खालामनाय जायो बेखौनो बेखेवफा दाजाबदा बुंनाय जायो। बेखेवफा दाजाबदाया मोननै रोखोमनि जेरै- (क) सोदोब बेखेवफा आरो (ख) थारजा बेखेवफा।	
	(iv)	फिन: 'अनद्ला खारियाव आगान थाया'या मोनसे मख'जाथाव बाथा फाव। बे बाथा फावजौ सा-साजां बाथा एबा जाय बाथाया थार नडा आरो बेसेन गैया बे बादि बाथाखौ बुंनाय जादौ। आनद्ला खारिया बर'फोरनि मोनसे मख'जाथाव लाव लाव ओखि। अनद्ला खारिया लाव लावखायनो बेयाव आगान थानायनि बाथायानो गैया। बेखायनो बे बाथा फावजौ सा साजां थौथाइ गैयि रावफोरजौ मानसिखौ गोहोम खोखलैहोनो हायिखौनो फोरमायनो नाजानाय जादौ।	5
	(v)	सिम, गाहाइ सुजुगिरि रादाब बिलाइनि मुं: XX जायगा: XX खालार: XX बे लाइजामनि गेजेरजौ नोंथांखौ बेखौनो फोरमायनो नाजानाय जायो दि दैबानाया आसामनि देरसिन जेंनाफोरनि गेजेराव मोनसे। आसामनि धुबुरिनिफ्राय सडियासिम गासैबो जायगायानो बोसोरफ्रोमबो लुफावजायो आरो गोबां मानसियानो न-बां खोमानो गोनां जायो। बे गेदेर जेंनाखौ फोजोबसांनो थाखाय राज्यो सोरखार आरो मिरु सोरखारा जेसेबां गोनांथि होनांगौमोन एसेबां गोनांथि होनायखौ नुवाखै। बेखायनो नोंथानि रादाब बिलाइनि गेजेरजौ आसामनि मोनसे गिखंथाव जेंनाखौ फोजोबसांहोनो थाखाय राज्यो सोरखारजौ लोगोसेनो मिरु सोरखारखौबो नोजोर बोनो हागोन होननानै मिजिंथिबाय। बेखायनो नोंथाडा आसामनि बे बादि मोनसे गेदेर जेंनाखौ सुसांनयानि राहाफोरजौ लोगोसेनो मानसिफोरनि गेजेराव दैबानानि गिनो गोनां आरो बेनिफ्राय रैखा मोननायनि राहा आरो सरासनसा सुबुंफोरनि मावनांगौ बिबान बे गासैबो बिथिंफोरनि सायाव बिथा खालामनानै मोनसे रादाब फोसावगोनखौ मिजिंथिबाय।	5

		नोंथानि फोथायसुला, मुं: XXX	
	(vi)	फिन: समायनायारि बेसेन मोन्दांथिया समायना मोनदांनायानो। माखासे पण्डितफोरनि बादिब्ला समायनायारि बेसेन मोन्दांथिया ओंगोआरि मोनदांनाय बेसादनि बेलायावल' बाहायजायो, बुहुमारि नडि बेसादनि बेलायाव बेखौ बाहायनो हाया। नाथाय सुबुडा गासैबो रोखोमनि मोजां हाबा, जाथाइ एबा मोनदांथिफोरखौनो बेसेन होयो। सुबुं जिउनि मोनथाम गुबै बेसेन मोनदांथिया जादों- थार, शिब आरो समायना। बे समायनानि बेसेन मोनदांथियानो जादों समायनायारि बेसेन मोनदांथि। सुबुडा गासैबो हाबाखौ मोनसे नोजोरजों नायोब्लाबो नाथाय गोसो होनायनि बिन्दोफोरा गुबुन गुबुन जायो। बेनिखायनो गोसो होनायानो जादों समायनायारि बेसेन मोनदांथिनि गुबै आगजु। सानथौगिरि प्लेटनि बादिब्ला गासैबो बेसादनिनो मोनसे गसाइया होनाय समायना दं। जों इसोरनि साननाय-मोनदांनायनि गेजेरजौल' बे समायनाखौ मोनदां हानांगोन। थामहिनबा जों बुहुमाव नुनायमानि गासैबो मुवा-बेसादनि समायनाखौ संनो जों उदायनांगोन। महर्सि टलष्टयाबा समायनानि बेखेवथि होनो थानानै ओरै बुंदों दि समायनाथिया सोनारो आबुडै सुबुंनि गावनि नाजावथाव गोहोनि सायाव।	5
	(vii)	फिन: लाइमोन बैसोआव सोलेरारि जौगासारथाइखौ गोरलैयैनो हमदांनो हायो। जौमोन बैसोआव आगान होनाय लोगो लोगो हौवासा-हिन्जावसाफोरनि सोलेरारि दाथाइया सोलायलाडो। जोनोम होनो हानायनि गोहो मोनफुंनाया लाइमोन बैसोनि मोनसे मख'जाथाव आखुथाइ। बेनि जाहोनाव सोलेरारि गोबां सोलायथाइ फैयो जैरै- बाथा रिसारनि सोलायथाइ। बे जोबनो गैयि सोलायथाइफोरानो सेंग्रा-सिखिलनि गोसोआव गाव सांग्रांथियारि साननाय लाबोयो, जाय नंखायै लाजिनाय, गिनाय एबा उसु-खुथु साननाय सोमजिहोयो। बेनि अनगायैबो उल्था आथोननि फारसे हाबिलास, लुबैनाया लाइमोन बैसोनि गुबुन मोनसे मख'जाथाव आखुथाइ। उन्दै बैसोआव समान आथोननि लोगोसे गोरबनो लुबैनायनि उल्थायै लाइमोन बैसोआव उल्था आथोनजों बांसिन गोरबनो लुबैनायखौ नुनो मोनो। बे गासैबो बिथिंफोरखौ नोजोर होब्ला नुनो मोनो लाइमोन बैसोआव सेंग्रा-सिखलाफोरा जौमोननि फेजेनहायि गोहोनि बिगोमा जायो। बे गोहोखौ मोजां लामार्जों दैदेनलानो हायोब्ला मानसिया जाफुंसार जानो हानायखौ नुनो मोनो।	5
सौंथि नं	6.	फिन: गोजौनि बे फरा खोन्दोआव आर्य-अनार्यफोरनि मोदाइ सिबिनायनि खोथा बेरखांनायखौ नुनो मोनदों। 'बेद'आ भारतारि आर्यफोरनि बयनिखुड गोजामसिन थुनलाइ सोरजि। बेयावबो मोदाइजोफोरखौ सिबिनायनि	5

		नेरसोन नुनो मोनो। बिष्णु मोदाइ आरो शिब मोदाइ सिबिनायनि खोथाफोराबो एसे एनै रायखांजादों। आथिखाल भारताव लिंग' सिबिनाय खान्थिया अनार्यपोरनि होननानै गोबां गोरोंगोराफोरानो बुंनो नागिरो। हिन्दुफोरनि श्राध्द खुंनायनि नेमाबो अनार्यफोरनि होनना बुंदों। अनार्य समाजाव दाबो गोथैनि सोलेरखौ सिबिनाय खान्थि दं। गोथौसालियाव जाग्रा-लौग्रा मुवा, गाननाय-जोमनायबायदि जिरादफोर बावनाय नेम दं। नाथाय बे नेम-खान्थिफोरखौ आर्य-अनार्य मोननैबो समाजाव सोलिबाय थानायखौ नुनो मोनो। शिबखौ दक्ष राजानि जज्ञआव नेवसिनाय जादोंमोन मानोना शिबआ अनार्यफोरनि मोदाइमोन। आर्य समाजा बिखौ बै समाव गनायना लायाखैमोन नाथाय उननि सफोराव शिबा आर्य समाजाव जायगा मोनदोंमोन। बेजों लोगोसेनो जोंनि कामाख्या मोदाइजोआबो आर्य समाजाव जायगा मोनाखैमोन। मानोना बियो अनार्य मोदाइजोमोन। नाथाय उननि समफोराव आर्यफोरा गनायना लानो गोनां जादोंमोन। कच राजानि राइजो खुंनाय सिगां कामाख्या थानसालिनि सिबिगाया गार' हारिनि मनसिमोन होनना रायथाइगिरिया बुंदों।	
सौंथि नं.	7.	फिनः गोजौनि खन्थाइ खलबखौ नोजोर होब्ला बेयाव रहस्य सानसि बेरखांनाय नुनो मोनो। रहस्य सानसि बेरखांनाय खन्थाइफोराव इसोर एबा अबंलाउरिनि मावनाय, दांनाय एबा इसोरनि हमदांनो हायै गुमुरफोरनि खोथाफोरानो बेरखाडो। खन्थाइगिरिया बरनि गुदि इसोर, जोनोमहोगिरि बोराइ बाथौनि गुमुरखौ मिथिनो लुबैनाय खोथायानो बेरखांदों। बिथाडा खर' गंग्लायनानै गिबि लारियावनो बुंदों दि नों फैब्लासो बार बारो, खोमसिया सोरां जायो, दाउफोरा आदार नागिरनानै जाम जाम बिरलांनो हायो। थामहिनबा मुलुगनि दंनायमानि जिब-जुनार, मानसि-दुमसिफोरा थांनानै थानो हायो। नों बाथौ बोराइनि अनगा रावबो गैया। बेखायनो नों जौनो गोहो होनांगौ, गोख्रौ गोसो होनांगौ जाहाथे जौ समाजनि गोग्लैसोनाय, गियान गैयि मानसिफोरनि मोजां खालामनो हायो। खन्थाइगिरिया मिथिदों आरो फोथायदों दि बिथानि मावनाय दांनायफोरखौ इसोरा नायहरबाय थायो नाथाय जौसो बेखौ मिथिसवा। बेखायनो खन्थाइगिरिया खुथार खुथार खावलायदों जाहाथे मोनसा-मोनसि गैयालासेनो बयखौबो मेगन थाइसेजों नायनो हानाय बादि हाजासे गियान होयो।	5